

寄闲堂后集

清·易其彬

出世外離囂埃此樓非巢足棲止樛枝拂牖交縈迴祕

藏萬卷蔽風雨俯仰四顧堆琪瓊不學藍溪傍水築差

比石鏡依山開先生把卷湘簾垂洒然落葉林風吹樓

下疑有百樹梅

明鐵笛道人傳云會稽有鐵崖山高百丈上有梅數百樹層樓出梅樹外積書

數萬卷

松濤滿屋浮雲披雲來雲去雨不知此時高吟無

吽吽空山老鶴遙和之翻鴉驚鳥鳴聲隨先生得意且

拋卷忽作鴻鵠乘風思九州四海目可覽豈必鬱鬱巢

林枝山林隱逸安足尚丈夫雄飛非伏雌吾人通經貴

致用

國家養士須為儀請看書史所紀載熊飛龍卧皆皋夔

飛熊二字見
欽定佩文韻府
書生白首手一卷鳳凰不出將何為吁

嗟書生白首手一卷鳳凰不出將何為

又一首用前韻

吁嗟書巢之名何自來乃似漁者紛爭隈放翁老病勝

其室

見渭南文集

張尹範之雲刻壘

吳澂有題張尹書巢詩

我今株守

復不出祇取糟粕貪食埃憶翁壯遊走萬里誓雪國耻

腸九回封侯每羨班定遠募將思得韓游瓌會看孤鼠

灑毛血橫空一擊邊雲開自從摧縮鶴髮垂梁州一夢

風雪吹空山倦歸守老梅壯夫未老先離披鳳凰不舉

不可隨遠志小草判出處願子搔首聊細思何況才名
噪宇宙彼翁已占最高枝此中爭墩兩安石謝前王後
誰雄雌後人豈不識介甫獨於太傅思光儀淝水一戰
足千古晉家得之真一夔陸子初志本在此神鷹見用
大可為放翁姜楚公畫鷹詩狐狸九尾穴中國共置不
問如越秦他時此物合致用下韉指呼端在人
吁嗟君不見

聖皇御宇思遠擊神鷹見用大可為

懷羅玉符先生

為問西江水來曾古峽經

先生居高要峽外擲硯沙吟詩見東野酣

酒識劉伶此老頭俱白何人眼獨青玉琴堂上曲幽怨

不堪聽先生藏白玉琴遂以顏其

泛舟

西潦漲沙洲浩蕩泛短楫洒然涼雨來波浪亦妥貼濶
水明鏡射遠山錦屏疊瀟瀟萬竿竹濕翠撲眉睫轉折
入幽叢忽作穿花蝶惜無與可筆盡寫風中葉水鶴拳
高枝知汝幽賞愜海目兩煙鬟江天此相接會當恣去
棹遠把秋色獵

聽諸子瑄珎讀書

牕外白雲流披書月滿樓風常聲在樹人似鶴吟秋琴
裏高山渺燈前落葉幽舉頭鴻雁過玉宇快遨遊

八月十五夜用前韻示諸子珫

天上擅風流，僊人十二樓。
霓裳神島夜，鳳管洞庭秋。
莫苦乘槎遠，偏耽枕石幽。
洪崖招手立，待汝拍肩遊。

回首歲如流，啣杯此倚樓。
十年花管夢，中秋夜余宿萬

棘闌者七里桂風秋焦尾憑，誰賞芳心祇自幽。
高歌吾欲老何日。

大羅遊

八月十五夜對月呈仲兄兼示琯珫

人生數十中秋節，世上何人不離別。
宋正休論萬里渺

天涯咫尺相思同，鬱結笙歌骨肉不同歡。
月祇自圓人

自缺年來鎖院共揮毫。
癸乙丙連燭花分映蟾華澈夜

闌得見半疑夢佳節空過真一瞥一家此夜對清樽天
上人間昏皎潔十年今復見中秋幸未照來鬢成雪兒
童譁笑指相問為解蟾蜍桂樹說不知天公有意無
清風盡把纖雲撤深防醉卧茶當酒至味幾甌和露屑
良辰合并古來難豈復長公懷弟轍且呼過邁共聯句
坐聽鷄鳴領清絕

又呈仲兄

珠江月湧如玉盤水光動漾生雪湍家家樓閣盡倚闌
舉杯笑語話團圞僊城燈火矗萬竿山河白晝眼界寬
琵琶水調開夜闌風前掩映翻綺紈繁華勝地豈不好

此卷已失首頁未知書
名，因此行末注，可知全
書皆為易其術者寄閑
堂後集也。

曷若此際庭前看庭前望月月如水一家不睡秋光裏

祇惜有琴無妙指為寫十年秋思起用見今宵得如此

吁嗟君不記少時承歡瀟湘樓先君春風無限瀟湘樓在珠江岸北廣

張文酒招朋儔蟾蜍匿彩重雲稠濕風捲簾雨不收落

葉颯颯雁叶洲江天直若無中秋何人燈前搔白頭吟

詩呼月驚奔流遺篇尚見杯中愁甲寅乙卯中秋大風雨見先君寄閒堂集

當時無月皆嘆息今日追思豈復得吁嗟乎夢中色笑

空模糊十二三四日連夜夢見先君風雨之樂不可摹吁嗟當時豈

識風雨之樂不可摹

秋懷詩五首

秋風閭闔來秋心落木哀北方多壯士登高臨燕臺感
彼千金價駿骨招奇才灑淚落邊雲悲歌傾金罍美人
生南國塞脩無良媒芙蓉媚秋水芳蘭怨蒿萊日暮望
碧雲傷心風雨摧

秋聲夏涼玉夜吟怨牕竹此中有佳人孤燈暗秋屋織
素三十年秦娥授機軸鄰家勸織錦臨風舒綺縠素固
取人嫌錦亦不炫俗入市不易粟搔鬢驚秋速坐嘆促
織中忍饑媚幽獨

風雨夜淒清喔喔荒鷄鳴文章本薄命撫枕夢不成感
懷劉越石起舞馳高情擊楫歌中流揚波快祖生此志

9
一何壯萬里雲鵬征山河勒功勲史冊揚姓名誓從古
猛士入海斬長鯨

我有倚天劒氣焰吐長虹挂壁不見用繡澁紫苔封忽
然動商飈匣中吟老龍夜夢飛僊人攜劒相追從颯颯
生羽翼瞥上蓬萊峯稽首朝玉皇賜我飛雲驄功成宴
秋月釣天酣笙鏞

白雲飛六合凌霜盤秋雕緬懷諸葛公羽毛耀雲霄褒
鄂圖凌煙卷籀掃氛囂狂濤湧秋月海外蛟鼉驕胡為
北牕下吟詩咽寒蛸焦尾羞枯桐秋心卷春蕉會當集
萬弩一射錢塘潮

張留侯

子房恨秦誓滅秦韓有子房韓有臣傾家豈作封侯想
劉季得之天非人智勇如神貌處子臣不滅秦臣不死
秦王可擊臣何為博浪一椎臣去矣枉死荆卿秦武陽
趙高閹寺殊臭芳廐將肯來辟穀去此意圯上深埋藏
穀城黃石世妄傳人間安有赤松僊古來英雄志得遂
功名事業如雲煙吁嗟乎張子房秦既滅漢已王假漢
滅秦漢豈知良神龍忽滅沒萬古空茫茫

李鄴侯

神僊之說誠荒唐皋夔豈用不死方白衣山人太狂怪

11
一生欲學張子房吁嗟吁嗟張子房幾曾黃老陳漢王

縱橫謹論寤明聖鄴侯自足銘旂常富貴神僊世所美

豹隱俄而又豹變人知東海比高蹤

唐書柳玭稱兩京復泌謀居多其功

大於魯連
范蠡云

豈識廬山有真面唐家骨肉恩誰全非侯使

之誰使然上皇得為天子父太子得比舒王賢能調此
事非容易何異商山忽然至鄴侯鄴侯善啟沃一事能
全萬事足子繁多事為解嘲自道先人居鬼谷

題伍子胥吹簫圖歌二首

殺汝身者吳殺汝父者楚此恨難銷終萬古身既死兮
敵入吳楚不滅兮我忘父漁舟一葉渡吳江熱血盈胸

氣肯降未騰澎湃濤神浪先作淒涼楚客腔簫聲幾曲
來吳市吹入吳江裂秋水英雄落魄本尋常成事因人
竟如此吁嗟乎簫何聲天何情君之生也幾死君之死
也如生不知白馬素車上尚執紅牙咽月明

伍員生楚軍十萬無堅城伍員死傾吳之城一西子伍
員豈是蘆中人風捲簫聲湧市塵聽來一夜霜添鬢翻
出迷陽雪不春一生知己世上無韓王漂母君老漁可
奈忍饑能脫楚不求辟穀早逃吳破楚誰伍大夫破吳
誰范大夫君不見鴟夷湖中清風歌一曲君不見鴟夷
湖中明月酒一壺鴟夷亦不識吳王臺上遊麋鹿鴟夷

13
亦不識越王殿前飛鷓鴣

因題伍子胥吹簫圖慨然於吳王夫差復作二

首

吳王拔劍朝破楚西子獻觴夜歌舞誰知西子亦是巫
山雲一夢驚來渺無所吁嗟吳入楚越入吳吳入楚兮
楚王有包胥越入吳兮吳王無子胥子胥止在吳江曲
胥有父讐胥已復王乎王乎爾胡不早將江濤汹涌聲
留作秦庭一痛哭

姑蘇霸王張虎牙會稽孤主風驚鴉十年老妻作蓬髻
祇有村女嬌浣紗兒女情長英氣短西子居巢君壘卵

臣血何如紅粉濃
父讐且逐香風散
香銷曲徑五湖春
君王奈得離腸斷
吁嗟斷離腸
誰速亡君不見卧薪嘗
膽真霸王

范蠡載西施圖歌有序

芷灣先生集有范蠡載西施圖歌二章輒嘆
其僂韻為不可及然於范大夫心事似未道
盡作此歌發之質之古人以為何如

越王破吳凱歌還
雄風丕振會稽山
大夫功成身可閒
西施依舊如花顏
西施如花吳王死
西施如花越王喜
越王何必不吳王
西子歸來越西子
可憐舞蝶媚春風

請付鴟夷戲秋水
梧宮秋西施愁五湖
秋西施遊越王
莫醉梧宮酒
越王莫憶五湖舟
地有山河君事業
天留臣妾此風流
搔首當年籌借箸
紅顏今在煙深處
雪國耻今西子來
全國計今西子去
共知智士善深藏
誰識忠臣多遠慮
吁嗟乎君不見夫
差氣槩如雲雷破
楚破越何壯哉
屨廊歌舞酒一杯
烏鴉啼上姑蘇臺
興亡吳越一西子
忍使他時哭馬嵬

西施二首

越國杯前計
吳宮枕畔恩
五湖歸去後
此事兩難言
絕色誰知己
溪邊爾大夫
恩仇都是夢
終與老江湖

讀史二首

伍子胥申包胥

子胥與包胥端友互相取忽如兩龍劍分飛颯風雨包
胥知有君子胥知有父父讐儻不報血淚無乾土君恩
儻不報綱常裂三五彼曰必滅楚此曰必復楚白日鑒
誓言一別各千古

李少卿蘇子卿

少卿與子卿青松共冰雪陵非苟活人矢盡誓立節母
兮竟何辜仰天心欲裂海上風如刀蘇武骨若鐵國恩
不可忘臣腰安可折哀哀異域魂凜凜麟閣烈嗟哉贈